

程

[Blank rectangular area with a double-line border]



柳塘詞

吳江沈雄 偶僧

水調歌頭

答龔芝麓尚書

答戲解嘲語。一笑作歌頭。寓形宇內。何有常在。夕陽樓。弗墮泥犁獄底。便主芙蓉城裏。抱槧也風流。造物故相許。大雅定無尤。英雄恨兒女態。古今羞。旁人嗚我無策。五月尚披裘。賴得前賢數輩。不道布衣無謂。文旆且飈。悠生願長貧賤。秘不事王侯。

前調

黃九烟先輩留宿道照堂





笑指蘧廬在喜共草堂眠太平人物猶是撇在少年  
邊半世蹉跎爲壽幾遍謳吟當哭生莫受人憐捧腹  
數千載抵掌兩三言 傍枯燈蒙破褐掩殘編短夢  
又分今古月旦亦何權豈有神僊鹵莽不少英雄骯  
髒底用合塵緣入市便呼酒垂柳自維船

金明池 金陵感舊

麾扇風前投鞭江畔見說龍蟠虎踞談笑裏蒼生未  
起只賭奕山頭飛渡問官家世世生來要不及盧家  
莫愁何故看幕府頻移鑾輿潛幸一片旌旗颺去

江上鼓鼙聲斷處便鐵鎖千尋樓船無數共王謝巷  
口烏衣還講個舊時門戶儘寒潮猶帶斜陽似六代  
興亡落花飛絮但結綺臨春盡成野草誰唱後庭玉  
樹

金縷曲 紅橋感舊

往事俱沉陸趁朝來木蘭橈轉藕花香簇帝子紛華  
如夢裏賸作名流殘福楊柳岸紅橋低束勸酒徵歌  
誰得似任空梁燕把香泥啄翻揭調趨時局 芳郊  
一雨矜新沐尚依稀蜀崗餘黛雷塘零玉錦纜迷樓



何處去。那有斷魂重續。千載恨。麝眠鴛宿。後不如今。寧似昔。只蕪城一賦。尤難讀。隨過隙。爭相逐。

滿江紅 遯浦感舊

咄咄書空。問誰是救時之急。傷往事。玉關無夢。金門有策。玄武湖頭。管壁冷。白狼山下。烽烟逼。有難言寸舌。事諸侯。青衫濕。邨社路。樓船集。風雨候。旌旗失。望一天雲。樹斜陽。西匿三徑。人虛惟蔓草。五湖身老。拋遺籍。只愁今愁古。又愁予。匪朝夕。

前調

蚤賦無家。空博個望門。羈旅便一霎。流光偷度。鬢絲如許。颯颯驚颺。黃葉寺。亭亭落日。紅橋渡。况湖山脫畧。古今情。愁何與。經儉歲。添簫鼓。過叢社。紛豺虎。只柳塘襟度。不昂而頰。擊碎唾壺辜舊憤。倒麾羽扇空。豪舉試仰天。大笑絕冠纓。天何語。

醉江月 斜陽

銜山鳥彩。趁橫波。倒射晚烟。弄色一片詩情。無限好。只恁幽輝。狼籍古道。桑榆秋風。禾黍豈爲庸奴。逼裝。忙做冷流光。一霎如客。十年芳草。愁腸危欄獨倚。



翹首誰禁得。曾道隔湖翻石壁。終到雲黃月白。著眼微茫。關心縹緲。不是閒踪跡。生憎遲暮。奈何頻喚無益。

滿江紅 斜陽

渡頭烟浪。遮不斷西崦。殘日爭半壁。江天張錦。翻騰殊色。天路歸雲紅欲暝。山家晚。饜青猶直。看欹斜人影。隔溪來。支筇立。流水外。鳴蟬急。落葉後。昏鴉集。便低徊返景。一時蕭瑟。銷盡斷虹。林火沸。催教片雨。江楓出。只吳王故壘。落霞邊。添悽惻。

清平樂 元旦雪

送窮殊快。換得銀沙界。不見舊山真體態。一夜新添粉黛。小姬早爇屠蘇。先生共坐圍爐。花雪詩成枕上。併教白盡頭顱。

南鄉子 春雨二闕

絲雨帶春閒。歛袖來窺鬪鴨欄。多半偷催花信也。看。看。看。簾外嬌紅釀暮寒。好約欲行難。不散濃烟鵲未乾。濯濯柔條爭弄色。何干。鷄塞空。回憶遠山。

前調



各家詞錄  
濃綠下金塘。鳩婦聯聲逐短牆。欲乞放晴天，又遠蒼涼。偏惹吳兒愛夕陽。細細濕流光。禁住楊花未敢狂。我夢未圓，香又燼微茫。南浦新愁，一夜長。

踏莎行 留春

柳絮爭彈。榆錢偷鑄。繁英斷送春歸路。留春假使肯留連，與愁生活難同住。新綠紋窓。殘紅香土。誰爲劃斷安排去。金蜂墨蝶強邀歸。困人天氣，暮騰處。

鳳棲梧 梅雨二闕

花外輕雷聲不去。麥秀秧青，剛近分龍雨。爲盼斜陽

來遠樹。熏篝衣悞。焦香炷。一審雨堂前，飛瀑勢猶喜。浮萍替得楊花住。失却圓沙，與斷渚。年時笑倒河渠。註。

前調

榴火流紅，荷失翠。梅子黃時，又似金丸墜。不斷簷聲消午睡。一庭花草，黃昏易。芸閣斜陽來也未。未醒詩脾，博個茶烟配。抱甕欣然成位置。天泉勝却山泉味。

浣溪沙 午日二闕 次曹顧菴學士韻



畫鷁齊驅水面鳧。玉人相傍在水壺。額黃宜稱入時  
無。杲日亭亭遮蝶扇。薰風面面顛釵符。醉伊纖手  
碎菖蒲。

前調

遠注橫波看擲鳧。葵榴裝滿水晶壺。綠窓女伴喚來  
無。繭白新綵雙臂縷。麥黃重擘小釵符。水嬉閒處  
鬪檣蒲。

如夢令

秋夜

黯淡孤燈絮語。凄切寒醬愁緒。伴我不曾眠。同在桂

堂深處。羈旅羈旅。聽足五更秋雨。

踏莎行

九日

烟雨湖船。水雲山寺。斜陽恰爲傳神至。秋光高處覽  
遺蹤。重來勝讀南朝史。徑菊尋黃。山萸佩紫。頻簪  
短髮無情思。桓溫客自醉。西風投卿此憤。渾閒事。

滿江紅

虎丘寓樓

叢桂深秋。嘗自傍小山。客舍聽隕葉。轆轤井畔。松楸  
祠下。小鳥競喧。殘照語輕裘。陡重西風。價寄空囊。如  
洗。怕人看銀蟾射。寶劔氣徒堪詫。團扇第難重話。



覽一編吳越。春秋如乍。畫舫酒人花裏度。漁竿烟景  
村前。駕痛家園衰草。焰秋燐。廳狸霸。

風蝶令

楞伽山九日

茶磨山開市。楞伽寺展扉。畫船吟管晚相依。便是有  
時烟雨一般齊。漁火明江岸。金錢簸石磯。崇臺戲  
馬事應稀。行見焦歌牧笛跨羊歸。山村九日  
博羊爲戲

玉樓春

柳塘

柳塘綠漲。蓴絲紫常。載秋風呼艇子。小亭月旦社旁  
人。湖面畫圖村裏寺。秋風苦被饑驅使。著雨籬花

耕十指斜陽一霎。又移文喚醒衰翁。鑽故紙。

沁園春

瓶花

選徧鶯枝。分來蜂蘂。勺水同栽。只似供簇錦。香羞檀  
炷。難描竝蒂。影亂燈煤。換以新波。添些微綠。屈指壺  
中日月來。疑還似怕逢天女。未上金釵。定州磁裏  
安排。爲狼籍。殘紅喜半開。嘆草茵無分。烏皮几淨。金  
罍相對。螭甲窓推。休問情苗。但看冶葉。消受惟教小  
像陪。但隨伊。無根無土。幾種堪哀。

瀟湘逢故人慢

燈花



尋芳何已。又金炷含英。銀缸弄藥。小絡心苗裏。看畫  
壁疎烟。雨窓輕霽。刀尺輕拈。好靜對微茫。何意似一  
樹蠟炬。風前不共成灰。流淚暗停針。潛雪涕。正夜  
禁蛾飛。朝添鵲喜。向爆聲斜睇。怕蝶夢迷離。草根徒  
倚寶粟香煤。只分付畫眉人矣。告女伴綠髻無緣。難  
上搔頭導尾。

虞美人 櫻桃

火珠纍纍名園種。曾帶青絲籠。葡萄滿架薦秋風。不  
及春深一點口脂紅。何來挾彈驚相問。莫是當年

鄭○嫌○他○別○苑○鳥○脚○殘○只○向○珊○瑚○網○底○定○睛○看○

前調 萱草

紅○襪○捧○出○多○情○種○不○共○萋萋咏○合○懽○一○處○解○離○愁○只  
為○此○花○心○性○本○忘○憂○養○娘○催○綉○何○須○惱○譜○出○金○鍼  
好○間○將○益○母○綠○同○酣○只○為○此○花○名○字○是○宜○男

重叠金 茉莉

娟娟月色憑闌立。蕭娘窓戶鳴蛩急。花向枕函裝。輕  
酥逗夜光。露華時半吐。背却檀郎數。喚婢早收來。  
攢花作玉釵。



浣溪沙

梨花

壓帽花開香雪痕。一林輕素隔重門。拋殘歌舞種愁根。遙夜微茫凝月影，渾身清淺剩梅魂。溶溶院落共黃昏。

如夢令

燕

欲問烏衣舊侶。看傍雕梁。軟語剪剪怯春風。誰繫多情絳縷。休去休去。珍重滿身花雨。

前調

鷺

立徧水田花渚。長自聯拳梳羽。只為極分明。做個漁

翁。伴。侶。輕。舉。輕。舉。白。髮。當。頭。數。縷。

沁園春

感遇

老去情悰。年來風味。生業全非。似拈韻隱侯。瘦垂腰帶。居貧麟士。靜掩簾扉。投筆從戎。牽車服賈。休與庸流說數奇。寧知有。看人裘馬。守我蒿藜。空村終怕分攜。又豈是尋常作價低。憶往時潦倒。夏裘冬葛。生平簡畧。何肉周妻。只賭痴情。全非學步。翻借傷心當解頤。底須問。甌塵寂寞。蘭夢依稀。

前調



甲古愁濃。懷人道遠。年又一年。擬碎琴市上功名晚  
矣。掛書牛角。里塾蕭然。投轄無從。歌魚莫就。誰是逢  
人說項偏。應嗟我吳霜茸帽。楚雨絲鞭。人間刺促  
堪憐。終自笑原無二頃田。悵江干挾策。曾磨盾鼻。壚  
頭貰酒。也拔珠鈿。歸競巢枝老。甘伏櫪。休問英雄骨  
肉緣。茲休矣。依人白社。破我青氊。

南樓令

懷張耕烟進士南游

遠岫冠輕霞。高城起暮笳。亂楸枰一角飛斜。懊恨年  
時殘局。換拋餘子。落天涯。北海擬浮槎。南雲望建

牙。送春風。燕入誰家。杏館蘭舟。畱不住。差辛苦。費韶  
華。

鳳棲梧

兩阻虞山東雲漢禪師

試數簷花聲汗漫。野寺孤燈。剛把浮踪判。一角西風  
鈴語亂。和誰商畧黃昏半。玉壘浮雲殘照斷。待不  
思量。奈有枯筇筵。陣陣竹風。梧雨暗。好秋都負。從頭  
算。

西江月

周勒山松下磊石索賦

墻裡藤餘古篆。牕前草偃新苗。松針細細影頻搖。繡



出苔衣偏巧。夏日絲雲頽墮。米家顛筆聊蕭。海棠  
微雨索秋饒。穩住鳴蛩聲好。

鳳棲梧

聞怨

錦障泥淡。油壁香。試問東風。不道飄零好。好語王孫  
歸合早。只教著意憐芳草。翠幕沉沉天亦老。悞則  
今生情則何生了。脩得鴛鴦福尚少。畫屏山枕都顛  
倒。

前調

不道多情流浪久。人惜良宵。妾怕辜清晝。旁午欠伸

重頰首。有誰掩歛青奩後。夢淺無痕空左右。恨也  
從頭愛也還依舊。花落空庭紅欲厚。又愁他也三分  
瘦。

前調

草捲輕煙花斂霧。飛絮遊絲。恰共愁楚楚。莫怯夢回  
深。綺戶輕魂銷盡江南路。轉眼空階新月墮。羅幌  
慵眠。泣坐金閨暮。草也多情邀緩步。思量只有花難  
護。

前調



各家詩金  
簾影風歛。窺繡篆。閉草閉花。各逞芳菲面。蕩漾柳綿  
人共遠。茂陵狼籍如何遣。寶枕巫雲容易變。記語  
難全。占得啼痕徧。刀尺空拈愁不斷。畫梁雙燕鳴如  
剪。

前調

黯○淡○春○江○花○氣○早○。困○雨○禁○風○。一○會○徒○潦○倒○。底○事○消○魂○  
消○不○了○。天○涯○遠○在○垂○楊○杪○。賺○得○相○思○人○易○老○。些○子○  
眉○頭○剩○與○堆○煩○惱○。夢○亦○安○能○真○個○好○。愁○腸○不○到○東○風○  
掃。

前調

底○事○濃○愁○來○眼○底○。蟾○彩○鸞○光○閃○得○人○無○已○。嬌○養○侍○兒○  
肩○半○倚○。嬾○尋○綺○夢○花○叢○裡○。亂○落○辛○夷○無○筆○記○。百○疊○  
眉○箋○難○諱○芳○心○碎○。只○遣○紅○綃○和○淚○寄○好○風○。銷○盡○因○循○  
去。

虞美人

艷情結用舊句

紅○蕖○藕○上○開○相○似○。皓○腕○支○頤○俟○。曾○將○紈○扇○掩○酥○胸○。早○  
是○羞○郎○多○事○。面○微○紅○。撚○將○香○唾○脩○雲○髻○。生○怕○人○佯○  
問○。花○枝○無○力○故○欹○眠○。看○取○鴛○鴦○褥○展○水○沉○烟○。



前調

低低。嗔語。狂生。驟。悄。扣。銅。環。後。一。番。疑。夢。一。番。圓。不。  
比。無。端。蹙。亂。舊。花。鈿。牽。幃。半。障。堯。蓮。瓣。鴛。枕。灑。香。  
散。凝。情。半。响。唱。迴。波。奈。是。最。難。如。意。為。情。多。

前調

紅。襦。亂。卸。嬌。無。主。半。拒。還。私。語。眼。期。心。諾。被。伊。猜。何。  
待。花。陰。月。午。約。重。來。橫。波。曲。徑。金。釵。溜。頓。欲。和。羞。  
走。偶。擡。素。腕。挽。濃。雲。又。罵。春。風。吹。動。石。榴。裙。

前調

蟾。光。入。戶。相。窺。冷。攏。手。搓。圓。頸。揉。香。弄。粉。一。團。嬌。便。  
是。不。曾。真。個。也。魂。消。芙。蓉。粧。次。脩。殘。態。背。鏡。拈。裙。  
帶。在。教。阿。母。審。眉。端。別。有。一。番。滋。味。倚。闌。干。

舞春風 無題

彩。雲。何。幸。下。巫。山。倩。影。娉。婷。好。自。看。挽。髻。愁。寬。金。絡。  
索。解。襦。牢。記。玉。聯。環。櫻。桃。茜。口。名。為。素。楊。柳。纖。腰。  
號。日。蠻。饒。有。柔。腸。能。婉。戀。破。瓜。年。小。帶。人。頑。

前調

相。逢。不。擬。畫。堂。東。那。信。蓬。萊。路。萬。重。失。約。時。能。憑。夜。



月○微○喚○中○覺○有○春○風○ 每○攢○心○處○消○眉○翠○初○試○歌○來○  
透○面○紅○便○遶○回○廊○思○底○事○文○鴛○三○寸○蹴○來○空○

前調

從○教○一○夢○惱○襄○王○香○雨○香○雲○欲○斷○腸○偶○自○不○言○曾○失○  
笑○若○爲○多○媚○本○無○粧○ 梅○花○落○處○添○新○額○蘭○氣○聞○時○  
動○下○裳○仙○徑○好○風○吹○昨○夜○是○溫○柔○處○老○爲○鄉○

前調

嘗○將○香○澤○比○蘭○荃○消○受○從○教○意○惘○然○秋○水○碧○瞳○雙○倚○  
玉○春○風○紅○袖○兩○圍○肩○ 難○忘○蕭○局○頻○添○炷○每○弄○金○龜○

一○簸○錢○寧○是○花○間○稱○錄○事○秘○辛○雜○述○肯○輕○編○

前調

言○愁○年○小○未○曾○諳○但○逞○懽○情○半○晌○擔○賈○女○先○歸○爲○椽○  
壻○館○陶○新○擁○賣○珠○男○ 函○心○荳○蔻○三○春○結○交○頸○鴛○鴦○  
一○夢○愁○眉○語○幸○從○相○見○後○私○書○袖○底○不○須○探○

前調

綺○疏○閑○逐○柳○風○斜○底○用○鈎○簾○問○紫○駟○漢○渚○何○須○尋○故○  
珮○星○河○無○恙○到○輕○槎○ 冰○肌○相○貼○原○無○暑○粉○臆○輕○沾○  
只○是○花○漫○道○青○溪○常○獨○處○小○姑○久○矣○嫁○西○家○



柳梢青

閨怨

草軟花柔。風欺月賺。別恨悠悠。一片青銅。半邊綠枕。悞我從頭。鱗鴻信杳無由。剛照面韶光去。留玉笋支頤。瓠犀嚙指。鉛水盈眸。

前調

鄉占溫柔。娘真窈窕。最是秦樓。執爨漁舸。當壚酒市。也數風流。多時獨抱衾裯。總不脫紅簾翠篝。豈惹函心。鴛鴦結卷。有底干休。

菩薩蠻

閨怨

高鬟巧鑷香雲膩。春山凝碧愁無際。底事逐風塵。流光正醉人。鬪心鶯燕悄。斜日平蕪老。寄語早歸年。紅牕花尚鮮。

前調

早鶯已覺園林潤。一聲將息搖方寸。簾外冷紅多。中人奈何。冶游常結乘。不博鱗鴻信。花雨亂春溝。玉驄何處留。

前調

啼鶉辛苦無人省。紅樓燭跋沁心冷。今夜羨相逢。祇



看一夢中。等閑輕小別。花漏空房怯。錦帳好添香。誰當借謝娘。

前調

芳時偏與愁同活。花陰淺立邀新月。長笛已難禁。孤蟾知兩心。不道春過半。烟雨空庭館。一片似殘紅。相憐待晚風。

採桑子 春思

春思不道三分瘦。貪有些兒。嗔有些兒。微露些兒阿母知。相逢巧在天相湊。有的風姿。有的嬌癡。閑想

偏工正此時。

小重山 秋夜

墜葉鳴蛩飛雨邊。約同清夜漏。到床前。銷魂都在未明天。重欹枕。索性擁愁眠。却憶托紅箋。而今江路永。阻風烟。年年翹首一凄然。人人字。鴻雁只遙傳。

一痕沙 對鏡

道是蟾光又近道。是波光又定。眉語總相瞞。笑啼難。休羨孤燈影。怕雙蛾春老。悞我一生看。膽逾寒。



前調 撫枕

繡被和伊作伴。玉腕替伊扶倦。今夜夢魂賒。故欹斜。  
好景黃壚閱遍。私語黃鷄催斷。猶自占啼痕。且溫  
存。

浣溪沙 黃昏

靜掩梨花深院門。養成閒恨費重昏。今宵又整昨宵  
魂。理夢天涯凭角枕。卸頭時候覆深樽。正添香處  
憶溫存。

前調 五更

懶是矜持恨是嬌。殘缸細炙倩誰挑。好償磨折度長  
宵。殘夢斷來渾未斷。輕魂銷盡苦重銷。剩將小暗  
足春朝。

減字木蘭花 憶夢

夜遙焰短行盡江南鶯。不管睡熟屏開。驀地風情月  
也猜。分身恰恰影是楊花。魂是蝶。別緒綿綿樓上  
春雲水底天。

前調

春風悄悄情去情來人自老。回首春風。花落花開境



名家詩錄  
不同。彤雲庭院愛惜春風藏半面。寶炬黃昏。擦向  
春風搵淚痕。

清平樂 去妾

春歸草草。補過何時了。從此蕭郎門徑杳。一路  
香悄。想像雲霄玉嬌。斷魂楊柳柔條。底事尚稱情  
種。敗人學道根苗。

前調

酒闌人去。曾把衾裯許。鈿盒銀環多淚雨。怕聽  
回頭。絮語。金釵位置何存。那知人在黃昏。剩有玉  
鑪香。

燼黯然共我寒溫。

浣溪沙 重晤

依約殘眉畫又新。羞人還記短風情。輕身端只爲  
聰明。花絮沾泥知已染。風箏斷線杳無聲。怪儂薄倖  
舊知名。

前調

小踏宮裾過月廊。假看花影假添香。得人憐處屣輕  
狂。劉阮信非歸洞客。金張誰是畫眉郎。餘生爭似  
死卿旁。



三奠子

詞以哀之

甲寅元旦遜浦民家學生男女各一墮地時尚作聯合狀因棄置冰雪中

趁春光遷變。無計畱連。生墮地。不昇天。竝頭開雪裏。  
比翼落風前。合歡錦。連環玉。短姻緣。怪人薄倖。悵  
爾纏綿。空覩面。共偎肩。已辭香案遠。難續鏡臺圓。願  
同衾。長交頸。白頭年。

名家詞鈔目錄

廬陵 聶先 晉人

纂定

長水 曾王孫 道扶

彈指詞

梁谿 顧貞觀 梁汾

浣溪沙 二調 清平樂 二調

南歌子 二調 菩薩蠻 二調

浪淘沙 二調 感恩多

河瀆神 歸國遙



朝中措

虞美人影

風馬兒

如夢令

訴衷情

採桑子 二調

山花子

虞美人 四調

南鄉子

定風波

二調

臨江仙

青玉案

驀山溪

柳初新

一叢花

翦湘雲

殢人嬌

師師令

真珠簾

木蘭花慢

雙雙燕

燭影搖紅

臺城路

萬年歡

風流子

百字令 二調

賀新郎

四調

洞庭春色

沁園春

摸魚兒



彈指詞

浣溪沙

梁谿

顧貞觀

梁汾

不是圖中是夢中。非花非霧隔簾櫳。窄衫低髻鎮相  
同。清脆鈴聲簷鴿夜。悠揚燈影紙鸞風。此時携手  
月朦朧。

前調 梅花

物外幽情世外姿。凍雲深護最高枝。小樓風月獨醒  
時。一片冷香惟有夢。十分清瘦更無詩。待他移影



說相思。

清平樂

盧龍罷獵作

烟光上了。天淡孤鴻小。一派角聲聽漸杳。吹冷西風。殘照。誰家曙色高樓。夜烏啼向城頭。寫入屏山幾曲。鄉心歷亂邊愁。

前調

短衣孤劍。貰酒青旗店。一曲杜陵春灩澦。醉洗玉船。紅醖。早鶯送客誰家。依微月射銀沙。馬上續成殘夢。墻頭笑擲桃花。

南歌子

乍接分釵燕。偷邀對鏡鸞。袖香餘煖共闌干。可惜被池紅淚。鎮長寒。玉軫多時約。金泥一餉歡。桂華濃露好誰看。今夜清輝。還似憶長安。

前調

古鏡餘香濕。春綃積淚痕。相思已是不能閒。况復看人憔悴損朱顏。醉淺愁仍結。寒深夢却還。輕烟一碧映雙鬟。昨夜家書。應過小姑山。

菩薩蠻



山谷詩集  
山城半夜催金柝。酒醒孤館燈花落。牕白一聲鷄。枕函聞馬嘶。門前烏柏樹。霜月迷行處。還憶獨眠人。曉寒驚夢頻。

前調

頗黎枕滑春雲卸。殘缸猶自明蘭炷。好夢覺來疑歸時。說與伊。微霜吹玉貌。何處停征棹。相隔只吳關。曲屏無限山。

浪淘沙

錦字佩囊盛。密意分明。任卿卿我我卿卿。只向人前

須諱道素昧平生。消受得傾城薄福微名。判將憔悴答娉婷。不是相思空負却。一世才情。

前調

擁髻燭花偏特地。遷延鏤金雙枕。只空圓。昨夜新霜。鴛瓦濕寒到君邊。片鐵掛簷前。消受無眠。一聲容易破秋烟。及潯陽江上雁。莫近離船。

感恩多

卸頭燈影背。冷落鴛衾待待他。孤夢成。月三更。特他篆烟親炷。禮雙星。禮雙星。莫遺秋河。一番風浪生。



河濱神

密○約○水○神○祠○辦○香○心○事○誰○知○繡○幃○同○上○小○名○兒○一○雙○  
親○系○干○支○ 蕭○蕭○暮○雨○芙○蓉○黑○越○江○猶○認○行○跡○潮○沒○  
蘇○碑○三○尺○怨○魂○應○始○消○得○

歸國遙

舒○玉○腕○鬪○草○昨○羸○纏○臂○換○明○日○湔○裙○誰○伴○問○他○伴○不○  
管○ 幾○疊○纔○開○羅○扇○莫○教○題○字○滿○空○却○回○文○一○半○有○  
人○親○落○款○

朝中措

蘅○蕪○夢○冷○惜○分○襟○橘○渚○餉○愁○深○斷○雁○西○風○當○日○曉○鶯○  
殘○月○而○今○ 臨○卽○久○客○茂○陵○多○病○特○地○關○心○天○與○一○  
般○憔悴○不○成○兩○處○銷○沉○

虞美人影

消○得○幾○行○清○淚○雨○一○片○冷○雲○飛○去○且○共○離○魂○語○留○他○  
伴○過○沈○烟○縷○ 倚○徧○回○闌○都○不○是○不○是○夢○兒○行○處○畢○  
竟○春○難○住○斷○腸○花○落○相○思○樹○

風馬兒

遶○闌○幽○澗○乍○泠○泠○又○雨○一○聲○聲○漏○一○聲○聲○兩○處○閒○眠○



那夜不同聽更更。病眸纔展。訝青青是燈一星星。螢一星星。偏到薄幃。單枕最分明。生生。

如夢令

寶鴨乍辭。衾鳳喚起。膽瓶花凍。懊惱十年情。不抵五更霜重。如夢如夢。落月香花誰送。

訴衷情

已是夜深羅薦展。約停箏。催解珮。休負月華明。輒語莫縱橫。輕輕似聞嬌鶯聲。可憐生。

採桑子

分明沒麗開時候。琴靜東廂。天樣紅墻。只隔花枝不隔香。檀痕依約雙心字。睡損鴛鴦。孤負新涼。淡月踈櫺夢一場。

前調 示道侶

玉爐火候溫溫也。煉就飛霞。結就丹砂。一夜華池靜月華。春深景物還多麗。映雪黃芽。並蒂金花。持過南園姹女家。

山花子 華藏寺杏花

祇樹園空鎖寂寥。粉香如夢一春飄。七十二峯螺黛



色上花梢。凍合寒山留絳雪。行來暮雨帶紅潮。綺語破除逢灼灼。淚盈綃。

虞美人 佛手柑

額黃染甲宮鴉。顰書法誇筋瘦。憑將背癢試麻姑。且結蓮臺真印禮。南無。色香兼味都超絕。彈指霏輕雪。玉纖頻屈數將歸。按透斷紋如齧十三徽。

前調 佛手柑和嚴蓀友

頻伽琢處憐香透。鳥爪寒逾瘦。麻姑應悔學仙非。黃檗當年一掌至今疑。鬱金雙縹誰輕浣。彈指蓮花

座料無閑恨。屈春纖。一任綠橙深夜點。吳鹽

前調

盤。臍約指雙花。隱翡翠。研宮粉。贈來條脫。感真妃。莫是興寧六月語。楊羲。金彊忽似金甌缺。手浣初弦。月倦游踪跡。幾更名。好向玉環纖印記他生。

前調

大家結束莊嚴相。換却慵來樣。水晶簾下半閒時。正好炷香分較晚。唐詩。明屏小合檀奴字。欲語驚人。至寄聲青雀。可曾來。明日日斜雙漿送春回。



南鄉子

擣衣和成容若

嘹唳夜鴻驚。葉滿階除欲二更。一派西風吹不斷。秋聲。中有深閨萬里情。廊上月華清。廊下霜花結漸成。今夜戍樓歸夢裏。分明人在迴廊曲處迎。

前調

隻影妬雙棲。落盡梁間燕子泥。待到東南新月上。烟低無奈。疏窓只向西。珍重語柔荑。能得樓頭幾度携。曾是別來相望處。凄迷草暗天涯。柳暗堤。

定風波

只覺微詞分外尖。計疎容易惹猜嫌。子故懸絲網。待無奈。落花飛絮一時粘。冷處越須防。妬恨重見。那回風格定。矜嚴正是背人成。獨語爾汝。又誰偷覷。水晶簾。

臨江僊

四月八日

開遍草花庭樹暗。傳經時候清佳。髻香單插密犀釵。法雲低映一束縷金綯。亭午諸天花雨散。相携剗襪開堦。傍簾誰掛小叅牌。碧霞幡底添對合懽鞦。

青玉案



天然一幅荆關畫。誰打稿斜陽下。歷歷水殘山剩也。亂鴉千點。落鴻孤咽。中有漁樵話。登臨我亦悲秋者。向蔓草平原淚盈把。自古有情終不化。青娥塚上。東風野火。燒出鴛鴦瓦。

驀山溪

丁酉秋題秦淮水閣

多情長願投老秦淮住。華髮縱歸來。怕不似少年羈旅。橫江酌月。才魄怨銷沉。歌伴侶。邀商女。一曲青衫雨。青溪祠宇。沒箇迎神媪。官柳繫興亾。尚拂面。六朝烟縷無窮金粉。都逐去來潮。桃葉渡。相思樹。遺恨

今何許。

柳初新

水仙祠下柳

南朝一片傷心雨。總被垂垂留住。水村山郭。紅橋倚徧。極目亂飄金縷。能有春情幾許。怕重來撲天飛絮。當日別離無據。知他可憶長亭語。零鈴唱罷酒醒。殘月只在踏青歸處。添得倚風凝竚。念天涯有人羈旅。

一叢花

並蒂蓮

一篙輕。衆香浮。艷淡於秋。雙成本是無雙伴。漢



各家詩錄  
皐珮知倩誰收。浴罷孤鴛背。花飛去。花外却回頭。  
合懽消息並蓮舟。生未識離愁。相憐相妬。渾多事。料  
團扇不耐涼。颼金粉飄殘。野塘清露。各自悔風流。

翦湘雲

秋海棠

瘦却勝烟。嬌偏宜雨。傍窺宋玉牆陰。目斷初遇。別是  
幽情。脂粉外。那得紅絲輕許。繫天涯。歸夢綠羅裙。添  
兩眉愁聚。誰念補屋牽蘿。賣珠回去。正袖薄天寒。  
風韻淒楚。小蹙凌波。鉛淚滴翦破湘雲。一縷向西窓。  
密約美人蕉。和影兒私語。

殢人嬌

帳掩梅花。一炷水沉烟小。宛轉薄衾香不了。影單人  
怯。信離魂顛倒。纔病起。禁得夜深清覺。簷馬回風。  
城烏向曉。明日事。又縈懷抱。輸他痛飲。把餘寒生。拘  
擦醉也能抵。獨眠多少。

師師令

題裙

看單成。複。蘸破春烟。綠稱心。顏色稱身。裁訝顧影空  
濛似浴。淺暈石榴紅。一簇更幾株。霜菊。五銖衣冷。  
湘波蹙。掩映屏山。幅縷金親。施佛前旛。曾繫取前身。



金粟素帶斜飄寒水玉。耐楚腰拘束。

真珠簾

櫻桃宴罷人歸後。正烟籠淡月。疏窓如畫。紅藥闌邊。當日親携素手。睡起微聞花嘆息。似記得。星星密咒。依舊對漂香泊粉。幾枝春瘦。不久心期輕負。為深憐痛惜。越添倻憇。一載綺羅情。付昨宵殘酒。誰道酒醒都是恨。只剗地。曉風楊柳。知否。古今來一例。斷腸回首。

木蘭花慢

過馬湘蘭故居

數鳴珂舊曲。誰第一。壇歡場。有燕骨千金。楚魂九畹。姓字餘香。秦淮尚流膩粉。奈温柔改署白雲鄉。碎玉一聲何處。迢迢銀漢紅墻。散花曾許嫁王昌。半偈衲衣償。聽長板橋頭魚山清唳。別是清涼。鄰菴漫題孔雀。羨當年三十六。鴛鴦對此莊嚴妙相。從他惱亂柔腸。

雙雙燕

用史邦卿韻

單衣小立正秋雨。槐花鬢絲吹冷。屏山幾曲。猶憶畫眉人竝。殘葉暗飄金井。問燕子歸期未定。傷心社日。



辭巢不是隔年雙影。碧甃生憐苔潤。伴欲折垂條。越加輕俊。爲他縈繫絮語。一簾烟暝。容易雕梁占穩。待二十四番風信。重來喚取疎狂。半刻玉肩偷凭。

燭影搖紅

負却韶光。十年眼冷花叢裏。玉笙吹徹。夢驚回。著處東風矣。猶是當時春意。漸病酒懷人。天氣樊川憔悴。半榻茶烟。鬢絲吹起。殘雪無多。莫教容易成流水。瓊瑤留伴。落梅魂共作。冰壺寄。再入金堂燕子。應問我客游何似。君看楊柳。一夜青青樹猶如此。

臺城路

梳妝臺懷古

卷簾依舊西山雨。憑高暗傷何事。一寸山河。十分佳麗。幾葉蕉園剩。史分明故址。有瑤島。瑤花未隨流水。惆悵重尋。斷眉金縷。廣寒字。當年夢游曾至。妝成誇第一。畢竟誰是三閣傳箋。六宮潤筆。可惜都無才思。茫茫對此。只銀漢紅牆。望中相似。甚處天香夜深。飄桂子。

萬年歡

人日立春用史邦

韻

小綬春旂玉搔頭。觸簾散點輕雪。靜夜蘭叢。幾箭凌



寒催發。後燕嬌鶯未覺。梅影瘦。房櫳清絕。湘屏掩。整  
整斜斜。一般冷淡香骨。蕭郎倦游未歇。正燒燈時  
候。惆悵輕別。打疊離情。暫寄故園風物。挑菜幽期近  
也。試換取練裙文襪。臨妝鏡。拂了蛾兒。月中驚見新  
月。

風流子

假歸偶述

十年纔一覺。東華夢。依舊五雲高。憶雉尾春移。催吟  
芍藥。螭頭晚直。待賜櫻桃。龍頭近。帳前分玉靶。鞍  
側委珠袍。罷獵歸來。遠山當鏡。承恩捧出。疊雪揮毫。  
宋家塘東畔。窺閑麗。枉自暮暮朝朝。端爲浮雲一  
賦。薄福都消。况愛閑多病。鄉心易逐。阻風中。酒浪跡  
難招。判共美人香草。零落江皋。

百字令

冷清清地。更懽場也。只不情不緒。况是鬢絲禪榻畔。  
禁得幾番秋雨。蘭炷微沉。桃笙半疊。瘦盡爐烟縷。香  
深醉淺。此愁何減。羈旅。不過絮斷柔腸。亂蛩在却  
費許多言語。二十五聲清漏。水滴滴。碎人心處。翠濕  
雲鬟。涼侵雪腕。莫更催機杼。知他睡否。慢憐別夢無



據

前調 宿針魚嘴

幾○行○歸○雁○共○征○帆○落○向○暮○烟○叢○裏○野○戍○潮○寒○清○角○動○  
簇○簇○蒹○葭○深○艤○酒○旆○微○青○漁○燈○乍○黑○未○散○沙○洲○市○當○  
壚○一○笑○滿○頭○黃○菊○旖○旎○又○是○薄○醉○殘○更○蓬○窓○悶○掩○  
轉○淒○迷○鄉○思○誰○與○孤○眠○欹○枕○說○妾○夢○不○離○江○水○慈○母○  
山○高○望○夫○磯○冷○相○對○針○魚○嘴○斷○魂○今○夜○風○鬟○雨○髻○千○  
里○

賀新郎

雨花臺晚眺

此○恨○君○知○否○問○何○年○香○消○南○國○美○人○黃○土○結○綺○新○妝○  
看○未○竟○莫○報○諸○軍○飛○渡○待○領○畧○傾○城○一○顧○若○使○金○甌○  
常○怕○缺○縱○繁○華○千○載○成○虛○負○瓊○樹○曲○倩○誰○譜○重○來○  
庾○信○哀○難○訴○是○耶○非○寶○釵○桃○葉○舊○銷○魂○路○如○此○江○山○  
剛○換○得○才○子○幾○篇○詞○賦○弔○不○盡○人○間○今○古○試○上○雨○花○  
臺○上○望○但○寒○烟○衰○草○秋○無○數○聽○嘹○唳○雁○行○度○

前調

生日自壽

馬○齒○加○長○矣○向○天○公○投○箋○試○問○生○余○何○意○不○信○嬾○殘○  
煨○芋○後○富○貴○如○斯○而○已○惶○愧○煞○男○兒○墮○地○三○十○成○名○



身已老。况悠悠。此日還如寄。驚伏櫪。壯心起。直須  
姑妄言之耳。會遭逢。致君事了。拂衣歸里。手散黃金  
歌舞就。購盡異書名士。累公等。他年謚議。班范文章  
虞褚筆。爲微臣。奉勅書碑記。千載下有生氣。

前調

再寄吳漢傑寧古塔以詞代書

季子平安否。便歸來。生平萬事。那堪回首。行路悠悠  
誰慰藉。母老家貧子幼。記不起。從前杯酒。魑魅搏人  
應見慣。料輸他。覆雨翻雲。手冰與雪。周旋久。淚痕  
莫滴牛衣透。數天涯。依然骨肉。幾家能勾。比似紅顏  
多薄命。更不如今還有。只絕塞。苦寒難受。廿載包胥  
承一諾。盼烏頭馬角。終相救。置此札。君懷袖。

前調

我亦飄零久。十年來。深恩負盡。死生師友。宿昔齊名  
非忝竊。試看杜陵消瘦。曾不減。夜郎僂。薄命長辭  
知已別。問人生到此。淒涼否。千萬恨。爲兄剖。兄生  
辛未我丁丑。共些時。冰霜摧折。早衰蒲柳。詞賦從今  
須少作。留取心魂相守。但願得。河清人壽。歸日急翻  
行戍稿。把空名。料理傳身後。言不盡。觀頓首。



洞庭春色

粉蝶烏啼紅橋雁齒。昔日亭臺。記墮釵聲裏。頻呼小玉。鈞簾影畔。手摘青梅。感絕多情。雙燕語道。三歲。栖香人未回。心期在。怕尋春較晚。著意相催。無端綠陰盡也。都不待杜牧重來。只淒涼繡榻。茶烟空颺。糝糊鏡檻。蠟淚成堆。一種幽情。春草句看。夢覺池塘。有劫灰難忘處。向西南枝下。手繫斑騅。

沁園春

殘月幽輝。宿昔見之。豈其夢耶。任寒堆一枕。鈿珠零

落。塵縈半榻。箏柱欹斜。妾命如斯。郎行何許。裙扇留題。滿狹邪。鱗鴻便。莫棲香正。穩忘了天涯。也應游倦。思家算不抵。孤眠人。嘆嗟。鎮未收。懽抱。慵偎煖鴨。斷無消息。悶數歸鴉。雪壓霜欺。別來真個。瘦盡中庭。萼綠華。誰傳語。道春風多勵。強飯爲佳。

摸魚兒

幾多情。倩誰傳語。夜闌偷剪紅藥。短檠孤影。愁無寐。教伴綺窓斟酌。花睡著。護一點檀心。不受東風。詭明朝。梳掠還試倩芳姿。鏡中相傍。慵整古釵脚。瓊肌



削較比花枝更弱。歡期催問靈鵲。莫訝軟綃承露重。  
淚裏當年灼灼。生誤却。怎不及他家茅屋空山約。綠  
蓑青箬待艷粉。輕潮幽香別渚。此意儘商畧。

蝶戀

名家詞鈔目錄

廬陵

聶先

晉人

纂定

長水

曾王孫

道扶

螺舟綺語

雲間

王頊齡

瑁湖

搗練子

望江南

三調

如夢令

長相思

二調

點絳脣

二調

浣溪紗

卜算子

八調

清平樂



眼兒媚

少年遊

南歌子

鷓鴣天 四調

玉樓春 二調

虞美人

踏莎行

臨江僊

鳳棲梧 三調

漁家傲

風入松

御街行

驀山溪

滿江紅 三調

燭影搖紅

醉蓬萊

桂枝香

齊天樂

瑤花

金縷曲

沁園春

賀新涼



螺舟綺語

合蘭雪詞

雲間

王頊齡

瑁湖

搗練子

春閨

風料峭。草離披。春色惜騰眼。色迷起。來穩步。嬌無力。寄語東風。不耐吹。

望江南

悼妓桐月和韻

江南月初起。便宜看。玉面夜涼。疑著粉。春山淡畫。却彎環。不道隔人間。

前調



江南月三五正團圓。光似琉璃清似水。夜深移上小  
屏山。遮莫舊時顏。

前調

江南月。黯淡自今年。一片曉雲遮不住。照人無寐落  
天邊。何日更重圓。

如夢令 春閨

窗外一聲啼鳥。紅日映簾春曉。想起舊時人。悔把夢  
兒草草煩惱。煩惱。一點爐烟細裊。

長相思 舟行

雨初晴。草初青。野塘水漲碧波平。漁床曉掛罾。酒  
懶傾。詩懶評。蒲帆一幅往來輕。春風半日程。

前調 孤館

風淒淒。雨淒淒。徹夜愁人聽未稀。前村聞曙雞。花  
飛飛。柳依依。惆悵春歸人未歸。落紅漸漸微。

點絳脣 春閨

日暖風和滿園桃杏都開了一聲啼鳥愁入眉尖小  
斗捲珠簾。極目春光老。長亭道馬嘶殘照。十里青  
青草。



前調

一枕陽臺樓頭春色知多少。隔花黃鳥啼破紗窗曉。燕子雙雙只是魚書杳。斜陽道。清明又到愁殺宜男草。

浣溪紗

春夜雨

簾外蕭蕭暮雨寒。分明滴瀝惱孤眠。獸香消盡夜如年。浪蕩春光能有幾。折磨花事更多般。不知郎意怎生憐。

卜算子

柳線

生長近池塘。搖颺空中舞。欲縮同心待曉風。搓就黃金縷。拂地有長條。寂寞誰為主。憔悴當年張緒姿。不向靈和住。

前調

榆錢

天上白榆錢。落葉成阿堵。草木緣何字孔方。世道應非古。嘉樹化青蚨。花塢爲金塢。羞澁空存趙壹囊。吾不如老圃。

前調

蓴絲

家住五湖東。湖面清香起。脆白蓴絲滑素匙。歸夢隨。



各家詩錄  
江水發興爲秋風。且摘盤中旨。細嚼瓊芽齒。頰香何必官家賜。

前調 竹粉

峭舊更亭亭。蔽日檀欒影。真色從來難悅人。須著些兒粉。問訊竹平安。翠色浮千頃。豈是湘娥素臂垂。玉屑霏霏襯。

前調 苔衣

梅雨積三春。綠遍窓前地。穩襯羊家靜。婉腰不待攪。瑜戲金井淨。無埃輕印纖纖趾。軟襪誰聞響。屣聲。

步步蓮生矣。

前調 芝蓋

羽葆白蕨蕤。瑞草團成幔。衣紫衣黃道。貌清來自商山畔。五采色氤氳。高蓋三重爛。也有人間鹵簿陳。官樣山人面。

前調 秧針

渺渺水田衣。三月春光遍。萬井青苗一色裁。疑是針神現。少婦上層樓。稻隴和風扇。布穀還如刺繡人。乞巧天孫線。



前調 荷珠

荷蓋雨新晴。蕩漾盤中瀉。疑是天公戲雨珠。神女初來也。性不染汙泥。魚目誰能假。徑寸如何滄海遺。淚滿鮫人把。

清平樂 春暮

寂寥深院門掩春光短。依舊楊花如雪亂。別却東風一半。閒庭獨立移時。玉釵斜挽花枝。驚起多情雙蝶。飛來飛去相隨。

眼兒媚 春閨

梅花庭院暗香浮。依約舊風流。銷魂何處。月移金井。人醉高樓。韶華轉眼成虛度。寂莫不禁愁。幾分春色。無邊心事。聽與眉頭。

少年遊 晚晴

霎時疎雨潤花房。小徑踏空香。淡雲拖處。玉虹界斷。返照一溪黃。珠簾半捲遙天碧。無限意立斜陽。十。二烟鬟黛螺青。滴新試晚來粧。

南歌子 春閨

柳樹重陰綠。桃花爛熳開。困人天氣倚粧臺。多少閒。



情無語怕人猜。紫燕雙雙舞。啼鶯處處催。從今休  
更踏青來。任是落紅飛去。趁蒼苔。

鷓鴣天

初夏和林定遠韻四首

小院迴廊碧樹重。薔薇開盡間殘紅。無端香透疎簾  
裏。一樹山礬罨雨濃。憑石几。面湖峰。朱魚戲水撇  
波空。新茶初試山泉熟。一縷輕烟颺午風。

前調

芍藥新開三兩叢。雨肥香瘦睡東風。今朝霽色林間  
射。花性渾宜薄日烘。推素幌。捲簾櫳。一枝深映綠

窓紅。日長無事能排遣。小鳥鞦韆畫閣東。

前調

綠染池塘莓繡苔。青青蒲劍映荷胎。黃鸝妬客穿花  
去。翡翠銜魚掠水迴。湘簾展。水亭開。棋枰移向竹  
間排。輕雷隱隱雲成陣。知是前村作雨來。

前調

隴上風清麥秀齊。秋田渺渺水雲低。桑陰少婦提筐  
立。布穀聲遲日乍西。乘小艇。溯洄溪。棹歌輕唱竹  
枝歸。中流風起菰蒲亂。水國漁村一望迷。



玉樓春

立春

柳枝已被東風軟。殘雪勒梅梅尚懶。疎香冷艷最宜人。生怕繁花能困眼。玉纖青韭銀刀剪。綵勝貽來雲鬢顫。煖房烘得水仙開。小篆烏絲閒自遣。

前調

秋夜

遊人愛惜江南月。珠露清霜花底滑。癡情祇望影團圓。不信天邊有殘缺。小樓一夜秋風發。吹老黃花無數折。銀河淡淡斗微橫。獨倚畫欄聽落葉。

虞美人

閨思

窓前月色明如晝。獨坐愁依舊。雁門消息總沉沉。直是那年別後到如今。闌干倚徧無從訴。望斷天涯路。淒涼時候正三更。又被燈花侮。弄太無情。

踏莎行

寄友

雲黯長亭。花晴客館。一身飄泊誰人管。多情惟有月娟娟。黃昏幾度窓前伴。偶夢還醒。輕寒乍暖。鄉心千里衣寬緩。却從香徑散春愁。春愁又被啼鶯喚。

臨江僊

贈翻鴻校書

暇日同人時載酒。凌波仙子初逢。翩然洛浦見驚鴻。



錦屏圍軟玉秋水濯芙蓉。潦倒重尋花下約。泰孃  
風格從容飛觴不惜醉。千鍾黛眉凝淺翠。霞頰映深  
紅。

鳳棲梧

次韻答林定遠

漠漠江天烟樹隔。河朔尊罍無計追。袞屐脩竹高梧。  
何處碧雲山。遮斷林逋宅。凭徧闌干愁日夕。求仲  
不來三徑蒼苔積。銀燭挑殘簷溜滴。把君詩句消岑  
寂。

前調

佳人

畫閣佳人春起早。窓外梅花粧點晴光好。白白紅紅  
真窈窕。臨風欲折回頭笑。綠水池塘閒自繞。蝶粉  
蜂黃說與誰知道。小鳥鈞鞦人更悄。花枝一任東風  
裊。

前調

春情

臉樣天桃眉樣柳。膩暖輕寒。厮釀清明候。嫩綠新紅  
春未透。丁香一顆相思豆。憶得三春時載酒。醉舞  
風流肯落楊妃後。對面巫山今在否。一宵風雨花鋪  
繡。



漁家傲 秋閨怨

蟋蟀聲中涼意早。茉莉開殘梳裹新粧小。碧簾紗厨人悄悄。孤眠差殺韓憑鳥。雨打枯荷露落棗。夏去秋來只有儂知道。望斷歸帆天際杳。一行雁字西風巧。

風入松

禹服徠遠席贈妓鶯初和張硯銘作

良宵三五醉華筵。翠袖金鈿藏鈎。猜馬猥紅遍。風情都在眉尖。剪剪青絲覆額。剛剛鬢髮齊肩。榴花半吐柳三眠。清逸堂前。殷勤玉手傳杯意。更妖嬈酒暈

微添。端的風流誰似。正碧玉破瓜年。

御街行

題郭河陽秋山行旅圖

秋山木落楓林赤。衰草粘天白。半擔行李度斜陽。孤雁數聲嘹唳。霜清禾黍。風盤鸛鶴。慘慘愁雲塞。人家一帶炊烟直。野岸漁舟集。異鄉風物况逢秋。王粲登樓心恻。不如歸去。科頭箕踞。高枕看山色。

驀山溪

登放生池莫莫樓分賦

柳綿吹盡榴吐紅。巾皺高閣架層陰。儘流連鶯儔燕。偶僧雛粥鼓。梵唄更清幽。旛捲繡香噴獸。晝滴蓮花



漏。故鄉此際麥隴家家秀。池面漾荷錢綠陰中櫻。桃如口風光似此。底事不能歸。沙撲袖。塵盈斗。千里空搔首。

滿江紅

季夏將返雲間蘋村先生念其觸熱長途爲賦二闕相留遂不果行敬步

原韻志謝

六月燕山看滾滾黃塵將發。空辜負歐陽水鑑才非。軾轍問字每親楊子席。傳經轉憶程門雪。記追隨杖履出西郊。清和月。人婉變花髮。髯看塞馬誰伸屈。嘆蠅頭蝸角任他奔突。薄命難窺蓬閣秘。還家自有

名山業。但啣花無地報師恩。添華髮。

前調

觸熱奚辭。念堂上雙親白髮。任袞袞紆青拖紫。黃扉玉闕。簪筆無由追。曼倩躬耕漫擬師。諸葛待遽然夢覺。北窓時何如蝶。奈虛度炎歊節。傷留滯草間活。笑奚囊空貯。秦碑晉帖。逃暑且爲河朔飲。調冰快嚼。并州雪。怎能消長夏日如年。書蕉葉。

前調

冬日葆飭訪予南村有事詩餘之選下索里語入集賦此志謝

老雨孤村。終日似蝸牛粘壁。屈指數平生舊雨。誰追



車笠門外忽傳車騎至。天南應奏真人集。媿。楚。人。鷄。  
黍。未。能。將。歸。帆。急。論。樂。府。官。商。覈。談。雅。調。淫。蛙。斥。  
喜。吾。生。重。見。開。元。詞。客。才。子。新。翻。紅。豈。曲。美。人。爭。按。  
涼。州。拍。更。殷。勤。郢。匠。采。巴。音。中。郎。笛。

燭影搖紅

賀卞定之新婚

孔雀屏前。畫眉初試才郎筆。芳菲桃李鬪春妍。之子  
于歸日。應是藍橋初遇聽和鳴。絃調錦瑟。門闌喜氣。  
跨鳳乘龍。東床嬌客。花燭輝煌。合歡杯注瓊漿液。  
翠鈿玉鏡。洵良緣。天上雙飛翼。試問今宵何夕。喜團

樂光生瑤席。關雎賦後。麟趾吟成。斯男則百。

醉蓬萊

贈高愔人學士

羨承明嚴馬。文藻風流。對揚稱旨。香案傍邊。看揮毫  
落紙。十樣鸞箋。龍蛇飛舞。觀天顏有喜。蓮炬頻移。天  
街月滿。侍臣歸矣。賜第新開。遙連上苑。咫尺黃扉。  
承恩無比。陪宴柏梁。扈長揚鞭弭。酒酌葡萄。杯擎七  
寶。不數清平李。拜捧宸章。從容賡和。君臣魚水。

桂枝香

春感

樓頭春暖。聽新燕雛鶯。嬌聲乍囀。無數悶懷堆積。書



各家詩金  
籤懶展海棠初謝。隨風捲漾。晴空遊絲。弔轉亂紅鋪。  
錦濃陰。罨翠倩誰人管。念舊日風流。緣淺沈郎。憔悴羅衣寬。緩把酒憑高。目斷青山。幾點斜陽。一帶平蕪。遠看繁華陌上。應遍柳枝低處。吳蠶浴罷。繡簾春晚。

齊天樂

閩上巳偕宋牧仲曹升六葉元禮高二鮑柯寓匏路湘舞遊宴祖園分賦

一絲春色千般作。聽到鶯啼燕語。草妬裊腰花。欺人面。又惹柳眉青嫵。招同勝侶。竝跨馬城南。來尋韋杜。樹古臺平。劉郎舊日曾遊處。良辰忍教虛負。算今

春笑齒。這回方露茗鬪旗槍。觴浮玉蟻。竟日流連忘暮。隔林花淑。再添箇魚鱗。着些柔艣。便似江南。一烟波釣所。

瑤花

賦得雨中白丁香

姍姍玉骨。行雨初回。住水晶宮闕。東風料峭。吹不散。千種閒愁如纈。輕彈珠淚。被粉翅濕粘。飛蝶想。廣寒舞罷。霓裳瘦影。倦飄香雪。低徊斜拂。闌干似。賜浴華清。嬌盈啼靨。水肌約綽。舒皓腕。偷縮同心雙結。瑤臺玉砌。差印得。湘妃寶屨。到晚來。同夢梨花。一樣澹。



粧輕抹

金縷曲 賦得古來才命兩相妨

造化真如墨。嘆多少高才薄命。風塵偏側。難道天工  
慳富貴。都是聲名相厄。漫錯怪老天無識。李蔡封侯  
偏及早。笑將軍猿臂。曾何益。無限恨。搥車壁。吾生  
幸有才盈石。文章憎命達。却悔送窮無策。把筆硯燒  
殘塞責。奈結習未能忘。得拚却子雲長寂。莫管花生  
爛熳。江郎筆。千古事。誰豐嗇。

沁園春

題大司農梁先生孔釋抱送圖

佳氣充間。筵開湯餅。門設桑弧。似謝公庭下。齊肩兩  
鳳。韋卿掌上。照眼雙珠。試聽啼聲。知非凡器。應是公  
家千里駒。更何美。那瑤環竝美。棣萼同敷。履聲遙  
下。雲衢喜字識之。無夙慧殊。便僧彌法護。風流兢爽。  
封胡邊末。譽望齊驅。史祝多男。詩歌百福。玉燕黃龜  
夢屢符。真樂事。看君恩方渥。家慶堪娛。

賀新涼

在陽王先生招同人重遊中頂觀荷

池上清無暑。記去年片雲初黑。荷香乍吐。電抹年華  
驚夏半。花貌臨風欲語。這好景誰人領取。共挽籃輿



重到此。美風流。河朔羣賢聚。傾碧盃。酒如乳。瓊箋  
手劈分題賦。喜先生吟風弄月。隨時應付。天籟何須  
絲竹競。鼓吹青蛙兩部。任賞遍鴨闌花塢。歸路玉駟  
銀鬣。爽看白雲一縷。峰腰補笑。止有青山古。

（跡）

董蒼水

俞

曰。王子顓士。文筆奪班楊之席。詩歌登

王孟之堂。出其緒餘。標爲綺語。含商吐徵。動魄  
驚魂。固已駕柳軼秦。豈特攀溫絜韋。兼之門第  
高華。庭闈掩映。詢淮水之家聲。父爲逸少。擅康  
樂之詞藻。弟乃惠連。汝南著二應之名。東海籍  
三何之譽。鄒枚而爲棣萼。著述同堂。機雲而契  
金蘭。風華接武。江花謝艸。皆成蠶白之詞。楚峽  
秦樓。盡譜旗亭之句。

丁葯園

澎

曰。金粟謂近日詩餘。雲間極盛。但能作



景語不能作情語。蓉渡謂景語多情語少。同是一病。但言情至色飛神動處。乃能于無景中着景。此意亦近人所未解。鬢淵謂螺舟解此意以製詞。所以妙絕古今。今選螺舟詞者。解此意以選調。即起李晏周秦而譜新聲。于以引商刻羽。騁妍拙秘。罔弗協也。又何情與景之偏病歟。

名家詞鈔目錄

廬陵 聶先 晉人

長水 曾王孫 道扶 纂定

錦瑟詞

揚州 汪懋麟 蛟門

醉公子 四調 浣溪紗 三調

菩薩蠻 三調 憶秦娥 二調

誤佳期 朝中措

眼兒媚 二調 桃源憶故人



好女兒 二調

醉春風

連理枝

百媚娘

剔銀燈

御街行

一叢花

送我入門來

爪茉莉

柳腰輕

夏初臨

三姝媚

百字令

春風第一枝

喜遷鶯

薄倖

內家嬌

賀新郎

春風嫵娜 二調

多麗



錦瑟詞

揚州 汪懋麟 蛟門

醉公子 索鏡

臺  
郎愛看儂面。只有盤龍見。拂拭小牕前。清輝夜夜圓。  
兩心常共對。不許私相背。若漫起疑猜。還郎玉鏡

前調 索簪

昨宵郎戲謔。竊去黃金雀。要得不追尋。還儂白玉簪。  
鬢絲今歷亂。欲縮還愁散。後夜蝶蜂狂。須傍墮枕。



傷

前調 索花

新粧多窈窕。細對菱花照。雙髮捲飛鴉。釵傷欲帶花。  
海棠嬌的皜。指點呼郎摘。畢竟讓他妍。郎心愛恐偏。

前調 索香

佳人焚百和。砥是粧成坐。風細下簾鈞。氤氲花氣浮。  
身中含荳蔻。裊裊羅衣透。縱有麝蘭芳。輸君體自香。

浣溪紗 咏慢

繡幕低籠白玉牀。流蘇裊裊睡鴛鴦。莫教輕揭放餘香。  
夢引春風羞日影。魂銷濃雨怯燈光。軟金鈎響惱檀郎。

前調 咏梳

裝就珊瑚果粲兮。醉眠橫側在羅幃。暗藏花蕊最相宜。  
睡損眉黃釵欲墮。揉殘額粉髮低垂。此中私語兩心知。

前調 閨怨



各家詩錄  
細雨霏霏洒曲欄。杏花時節小樓寒。怕言春去又春殘。香冷画屏惟有睡。夢回山枕不成歡。被頭多少淚闌干。

菩薩蠻

乍見

中庭茉莉香初落。誰搖鸚鵡簾櫳索。千喚步纔移。花間斂衽遲。昵人秋水碧。低向裊邊揖。偷眼看雙鈎。猩紅露鳳頭。

前調

重見

爲郎特地新粧早。看來還比初時好。相對莫嫌生儂。

今眼更明。低鬟垂素手。無計開檀口。故贈鳳皇釵。撩他玉笋來。

前調

繡鞋

行纏自繡幫兒小。新描花樣心中藁。何用步金蓮。羅幃換了眠。掌中剛一握。懷裏香偏覺。郎戲漫匆匆。揉殘兩辦紅。

憶秦娥

美人

開金屋。菱花影裏香雲綠。香雲綠。水晶簾下看施膏。沐盤龍墮馬梳來熟。簪花不許郎催促。郎催促。玉



欽○忙○掠○紅○絨○斜○束○

前調

遮○團○扇○春○風○吹○綻○桃○花○片○桃○花○片○朝○霞○半○暈○殘○脂○微○  
○濺○天○然○素○質○鉛○華○賤○偏○教○傳○粉○何○郎○羨○何○郎○羨○願○  
○為○鸞○鏡○朝○朝○相○見○

誤佳期

閨怨

寒○氣○暗○侵○簾○幙○辜○負○小○春○芳○約○庭○梅○開○遍○不○歸○來○直○  
○恁○心○情○惡○獨○抱○影○兒○眠○背○看○燈○花○落○待○他○重○與○画○  
○眉○時○細○數○郎○輕○薄○

朝中措

修平山堂和歐公原韵

平○山○舊○跡○已○成○空○清○磬○暮○雲○中○當○日○烟○花○夜○月○而○今○  
○禾○黍○秋○風○山○川○無○價○文○章○有○主○我○輩○情○鍾○再○種○堂○  
○前○楊○柳○新○詞○重○和○坡○翁○

眼兒媚

簾內

玲○瓏○簾○幙○墜○金○堂○謝○女○怯○燈○光○鳳○凰○高○髻○鴛○鴦○繡○帶○  
○別○樣○新○粧○多○情○風○動○簾○開○處○秋○水○更○盈○睂○最○銷○魂○  
○是○鬢○邊○花○氣○懷○裏○衣○香○

前調

水邊



謝公堤下繫征航。粉壁映垂楊。誰家少女，蒲葵扇小，茉莉風涼。鞋兒脚上剛三寸，娘娘玉奴粧。不憎人見，凌波微步，羅襪生香。

桃源憶故人

野橋晚泊

輕帆落處斜陽快。夾岸柳條都敗。雪厚板橋壓壞。村酒停燈賣。寒星苦月長湖外。負却孤眠愁債。此夜寂寥情派。料得雙鷗解。

好女兒

本意

十五芳時。梳掠纔宜。終日凝粧渾未解。但閨裏熏香。

窗前傳粉。鏡內修眉。問著佳期不語。紅兩頰。故嬌癡。獨何事。背人閒刺繡。偏蝴蝶雙飛。鴛鴦比翼。桃李連枝。

前調

春怨

隔樹鶯聲喚起春情。九十韶光今已半。看梅萼凋殘。桃花歷亂。楊柳輕盈。怪殺檀郎不定。寬後約。負前盟。若道是別離猶未久。已倏忽花朝。無端上巳。又早清明。

醉春風

艷情



好事而今乍。剗襪移深夜。手提金縷小鞋兒。怕怕怕。  
犬吠花陰。月沉樓角。暗中驚詫。軟玉相憑藉。纖指  
將頭卸。妾身拚得教郎憐。罷罷罷。又聽鷄聲。催人枕  
畔。羞顏無那。

連理枝

賀陸西曹納南北二姬

燕趙人原俊。吳越才還韻。紅線雙牽。青鸞對照。教郎  
厮認。費評量。總得阿龍憐。昵臉痕眉印。互把鴛衾  
進。左右將郎問。豈蕊香乎。溫柔勝也。定知分寸好。從  
容二子詠徐卿。抱鳳雛神駿。

百媚娘

有贈

絕代吳娘縹緲。豈蕊芳年還小。臉際芙蓉含素月。肌  
理停勻真少。一尺鳳皇高髻子。釵滑烏雲繞。汗濕  
紅香偏好。誰道玉環肥了。素腕抽來當鳳枕。自分溫  
柔堪老。薄醉橫眠嬌欲惱。笑把春膚敲。

剔銀燈

春夜和宋人韻

獨坐知儂何意。憔悴盡臉紅眉翠。小鴨香殘。孤鸞鏡  
掩。怕見蘭膏光膩。此時情致。况遇着惱人天氣。簌  
簌落花偏媚。欲待留春無計。妾命桃花歡情楊柳何



處青樓携妓溫柔香醉總不管夜寒人睡

御街行

送夏次功游燕

別離之色都休矣。好跨青絲騎。仰天大笑出門行。兒女漫勞牽繫。相如題柱。仲升投筆。猶是英雄氣。長楊獻賦須臾事。慷慨游燕市。子昂何用怒搥琴。早晚薦雄文似。丁寧無別。黃金如斗。方許君歸里。

一叢花

虎丘生日自壽

先生今日又生辰。何幸作閒人。扁舟正泊蘇臺下。虎丘寺無限芳春。踏草心情。燒香時節。蛺蝶繞羅裊。

美人噓氣總如雲。蘭麝暗紛紛。玉簫金管隨風度。多應是勸我開尊。不羨神仙。豈須富貴。醉後但稱臣。

送入我門來

白沙

種柳爲城。栽榆成巷。白沙翠竹人家。門對江干。山色見些些。却逢暮暮朝朝雨。恨不見村村樹樹花。地僻行人罕到。無數良田美宅。雞犬桑麻。今我纔游。歸路晚烟斜。誰家蹀躞青驄騎。更幾處伊呀紅漆車。

瓜茉莉

抹麗

最喜炎天。趁薰風放蕊。枝兒上白溶溶地。晚涼院落。



月照處清芬似水。安排下鈿盒金簪。穿花慣須小婢。  
鬟鬆髻。膩蘭膏。味偏細。私嗅處。早醒殘醉。還畱  
數朶。待朝來上雲髻。將幾枝安放枕頭根底。夢魂杳  
相伴睡。

柳腰輕

觀女劇贈月娘

團雲隊裏燈烟暖。梁塵起春鶯轉。錦靴紗帽柳眉星。  
眼就裏雌雄難辨。藏輕鳳羅帳。須垂護。飛鸞晚。風偏  
顫。不用仙盤頻勸。奏新聲。月華堪羨。丹脂微暈。翠  
翹高聳。杜牧筵前驚見。飲三爵。忽發狂言。笑顏開紫

雲回面。

夏初臨

夏景

梅子新垂。荷錢正小。困人天氣初長。昨日春歸。楊花  
亂點池塘。一雙紫燕飛忙。看營巢泥落空梁。水晶簾  
捲珊瑚枕滑。玉簟清涼。美人睡起。獨倚紗厨。針慵  
線懶。身語花香。此時模樣。歡來總未提防。剛值殘粧。  
露春膚半掩。羅裳滂猖。佯拋蠅拂。戲打檀郎。

三姝媚

京邸送中郎歸棗強

北風吹曠野。望蘆溝橋畔。霜花飄灑。唯別銷魂。况客



中重別夕陽斜挂長揖鞭梢最怕聽蕭蕭班馬何事歸乎為惜深閨瘦腰寬也。正是歲除良夜看小婦

教成素絃彈罷細語燈前把文書針線權時拋下笑入羅幃。酩酊了滿身蘭麝。若說春明重去把郎暗罵

百字令

徐電發見寄長調索依韵答謝

三年京洛問消愁惟有紫羅青玉不會意時思竟返。性是水禽山鹿賦媿安仁悲唧阮籍憔悴無如僕麻衣歸路怕看堂下慈竹。感君問訊勞人新詞細字。淚眼昏殘燭舊句已隨秋葉散兩耳厭聽琴筑白扇

幅。抄詩紅兒按譜只恐添蛇足况須割袞不堪綴此斜

春風第一枝

石林招同武曾錫鬯二鮑湘草穀梁夜集寓齋看燈上美人用

史邦卿韵

剪韭韶光落燈時節東風今夜初暖縷金屏內香濃碧玉盞中春淺鳥聲報客正風揭画簾絲軟好良宵不飲何為况有玉鳧銀燕紅燭裏忽拋星眼綃幕外誰疑雪面依稀人在瓊樓只少歌翻閨苑画圖相識又惱亂心情如線最牽愁我夢揚州月下簫聲曾



見。

喜遷鶯

夜飲見山樓聽素容較書度曲卽席填詞

酒濃香細。正燭暈高樓。花歛幽砌。名妓清歌。狂奴異舞。我輩終當情死。何用激昂意態。但得溫柔滋味。吾顏也看羅袞揉亂玉。釵敲碎。心醉聽一曲。塞上明妃。欲墮琵琶淚。桃頰銷紅。柳眉顰綠。故故酸人腸肺。燈下酒容似火。庭外秋光如水。更殘了。任嬌憨無力。枕人斜睡。

薄倖 送春

怨容愁態。春去也。今年何快。已無計留他。將杯酒向落花深拜。想二三月裏芳菲似。秦女乍描眉黛。今粉褪香銷。釵橫髮亂。老矣徐娘無奈。自過了清明後。但風雨有何聊賴。只留得垂柳絲絲如結。黃鸝啼煞。欄杆外。最無情。春色帶將愁至。而今春去。愁仍在。春如不至。又那得愁腸害。

內家嬌

將歸里門寄內

別家秋欲暮。黃花節。深院海棠垂。記親薦小蠻衾。稠香爛艷。歌大婦。參昴星稀。香奩畔。青鸞雙照影。紅燭



對吟詩。忽賦遠游。去時恨速。不與人怨。來日嫌遲。  
還家春已暮。櫻桃熟後。園杏子離離。却喜風輕花暖。  
燕舞鶯啼。且煩卿檢校香牋粉筆。待予揮灑。麗句清  
詞。更問床頭美酒。藏得多時。

賀新郎

贈柳敬亭和曹升六韻

何物吳陵叟。儘平生。詠諧遊戲。英雄屠狗。寒夜蕭條。  
聞擊筑。敗葉滿庭飛走。令四座。欷歔良久。說到後庭。  
商女曲。悵白門寂寂。烏啼柳天付與。懸河口。可憐  
飄泊寧南後。記強侯。接天檣櫓。橫江刁斗。亡國豈知

逢叔寶。世事盡銷醇酒。嘆滿目。爛羊僚友。心識懷光  
原未反。但恩讎。將相誰知否。少平勃。黃金壽。

春風嫵娜

清明同繼武峩眉武曾二鮑康臣  
石林集野外松下送錫鬯之揚州

最關心節序。又早清明。風乍暖。日初晴。喚吾徒。携著  
黃柑綠酒。樂遊原上去。聽鶉鷓。不上紅樓。何知紫陌。  
只傍松濤響處。行無那。故人先惜別。春風故遣柳條  
青。此去揚州路好。竹西歌吹。正三月。花滿江城。櫻  
筍會。木蘭亭畔。高吟爛醉。讓爾成名。自顧茫茫。一官  
遠客。春愁黯黯。萬事飄零。悵離情。鄉思亂如芳草。散



比浮萍。

前調 觀查伊黃女樂卽席分賦

看先生老矣兀自風流圍翠袖。昵紅樓羨香山携得。小蠻樊素玉簫金管到處遨遊。舞愛前溪歌憐子夜。記曲嬈還數阿柔。戲罷更教彈絕調。攬瑜端坐撥箏篌。新製南唐院本。衣冠巾幘。抵多少優孟春秋。拖六幅掩雙鈎。英雄意態兒女嬌羞。燈卜紅兒真堪消恨。花前碧玉耐可忘憂。是鄉足老任悠悠。世事爛羊作尉。屠狗封侯。

多麗

仔園席上聽吳門諸郎歌吹

暮雲高。金堂紅燭初燒。最怡情新聲一部。龜年賀老

同邀。調鸞鳳石弦名簫清脆。振林木猿臂名笛飄蕭細唱

吳歛。低翻郢曲。小娥依約運居巢。名笙還憐取太平名管

吹徹。梁上細塵飄。催羯鼓羣音中節。樂句拍板頻敲

奏商風吹蓬落葉。莫愁反把愁招。消魂也紫雲寥亮。

腸斷矣絳樹妖嬈。纔令人悲。又教人喜。雍門歌哭可

憐。絲兼肉阮咸月琴輕撥。聲斷轉無聊。推樽起。吾為

楚舞。休弄檀槽。








于鵬鷄雁柱中至其豪邁宕往淋漓感激直欲  
上掩和凝下凌温尉非僅花間酒邊誇爲麗句

已也





卷一